

REPUBLIKA E SHQIPERISE
Këshilli i Ministrave

VENDIM

Nr. 176 datë 30.3.2001

PER

**DISA SHTESA DHE NDRYSHIME NE VENDIMIN NR.531, DATE
21.8.1998, TE KESHILLIT TE MINISTRAVE, "PER TOKAT
BUJQESORE TE PANDARA**

Në mbështetje të nenit 100 të Kushtetutës , të nenit 8, të ligjit nr.8312, datë 26.3.1998, "Për tokat bujqësore të pandara", dhe të shkronjës "a", të nenit 3, të ligjit nr.7501, datë 19.7.1991, "Për tokën", me propozimin e ministrit të Bujqësisë dhe Ushqimit, Këshilli i Ministrave

VENDOSI:

në vendimin nr.53 1, datë 21.8.1998 të Këshillit të Ministrave bëhen këto shtesa dhe ndryshime:

1. Në pikën 4, pas fjalisë "Sipërfaqet e tokave të pandara të evidentohen më vete", shtohet fjalia, me këtë përmbajtje:

"Sipërfaqet e evidentuara si të tilla, më 1.3.2001, nga Komisioni i Tokës në komunë apo në bashki dhe të vërtetuara nga përgjegjësi i zyrës së kadastrës, jepen me qira nga organet e qeverisjes vendore për personat, fizik e juridik, vendas apo të huaj."

Procedurat për dhënien me qira të sipërfaqeve të tokës , të pandara, përcaktohen e udhëzim të Këshillit të Ministrave.

2. Pas pikës 4 shtohet pika 4/1, me këtë përmbajtje:

"4/1. Sipërfaqen me toka të pandara, organet e qeverisjes vendore mund ta paracaktjnë për t'u shfrytëzuar edhe për livadhe, kullota ose pyje."

Ndryshimi i zërit kadastral, nga tokë bujqësore në livadh, kullotë ose pyll, bëhet me miratimin e ministrit të Bujqësisë dhe Ushqimit, me propozimin e Këshillit të komunës..

3. Ngarkohen Ministria e Bujqësisë dhe Ushqimit dhe Ministria e Pushtetit Lokal për përgatitjen e udhëzimit për procedurat e qiradhënies dhe për zbatimin e këtij vendimi.

Ky vendim hyn në fuqi pas botimit në "Fletoren zyrtare".

KRYEMINISTRI

ILIR META

MINISTRI I BUJQRSISE DHE USHQIMIT
LUFTER XHUVELI